

仁恩自恃豈有自私之心乎實無私也無私故能長久以其
長久故始能成其私也

頴濱蘇轍曰道則然耳

劉涇曰天地不自生與聖人之後外其身皆無私也然天地
以此長久聖人以此存則皆成其私也

黃茂材曰人皆亡己獨存物皆夭己獨壽非私乎

程大昌曰不自私者乃所以遂其私歟

上善若水章第八

上善若水

御註曰易曰一陰一陽之謂道繼之者善也莊子曰離道以

道藏輯要

道德真經
彭鶴林集注

无

心集六

善善名既立則道之體虧然天一生水離道未遠淵而虛靜
而明是謂天下之至精故曰上善若水

碧虛子陳景元曰至人虛懷無欲應變隨時不逆諸緣處善
忘善故曰上善水能方圓凝釋深淺浮沉順道涵虛咸有其

理惟至人兼而通之故曰若水

臨川王安石曰善者可以繼道而未足以盡道故上善之人
若水矣

劉涇曰易曰繼之者善莊子曰離道以善皆謂自道而降莫
近於善

清源子劉驥曰天一生水亦去道未遠故上善若水

水善利萬物而不爭處眾人所惡故幾於道

御註曰融爲雨露萬彙以滋凝爲霜雪萬寶以成疏爲江河聚爲沼沚萬物皆往資焉而不匱以利萬物孰善於此善利萬物萬物蒙其澤受其施而常處於柔弱不爭之地納汙受垢不以累乎其心故於道爲近幾近也

碧虛子陳景元曰水蘊三能之近道天無水則陽旱地無水則塵飛利澤萬物故曰善利此一能也去實歸虛背高趨下壅之則止決之則行聽從於人故曰不爭此二能也人之情惡處下流好居上位而水則就卑受濁令物潔白獨納汙辱故曰處眾人之所惡此三能也

道藏輯要

道德真經
彭鶴林集注

三

心集六
大日〇川

穎濱蘇轍曰二者皆自無而始成形故其理同道無所不在無所不利而水亦然然而旣已麗於形則於道有間矣故曰幾於道然而可名之善未有若此者也故曰上善

道真仁靜先生曹道冲曰柔弱者俗之所恥汙下者俗之所惡水性獨異於俗

黃茂材曰水有上善一小善七利物不爭處眾人之所惡上善也人能體此可幾於道

居善地心善淵與善仁言善信政善治事善能動善時夫惟不爭故無尤矣

碧虛子陳景元曰至人所居善執謙下化及鄉黨如水在地

善就卑下滋潤羣物故曰居善地此一善也至人之心善保
虛靜洞鑿幽微如水淵澄波流九變不失明靜故曰心善淵
此二善也至人善行仁慈惠及天下如水膏潤無不霑濟故
曰與善仁此三善也至人之言善守誠信不與物期自然符
契如水景物妍醜無差流滿輒移行險不失故曰言善信此
四善也至人從政善治於民正容格物物自順從如水清平
善定高下滌蕩羣物使無塵穢故曰政善治此五善也至人
臨事善能任物隨器授職不失其材如水柔性善事方圓能
隨形器無用不成故曰事善能此六善也至人動靜善觀其
時出處應機能全其道如水之動善隨時變冬凝夏液不差

道藏輯要

道德真經
彭鶴林集注

三

心集六

其節故曰動善時此七善也

頴濱蘇轍曰避高趨下未嘗有所逆善地也空虛靜默深不
可測善淵也利澤萬物施而不求報善仁也圓必旋方必折
塞必止決必流善信也洗滌羣穢平準高下善治也遇物賦
形而不留於一善能也冬凝春泮涸溢不失節善時也有善
而不免於人非者以其爭也水惟不爭故兼七善而無尤
劉涇曰善以處下爲居水以就下爲地在善則得水之地故
曰居善地善以安靜爲心水以深靜爲淵在善則得水之淵
故曰心善淵善以教人爲與水以利物爲仁在善則得水之
仁故曰與善仁善以不欺爲信水以行險不夫爲信在善則

得水之信故曰言善信善以正己正物爲政水以激揚清濁爲治在善則得水之治故曰政善治善以同心爲事水以圓方而不滯爲能在善則得水之能故曰事善能善以爲動水以冬凝春泮爲時在善則得水之時故曰動善時言上善當如水以不爭爲善也以不爭爲利乃能兼此七者而爲天所祐人所助也何過之有乎

黃茂材曰其小善七居善地者潛而爲澤也心善淵者靜可以鑒也與善仁者濟物之功博也言善信者其流聲不息也政善治者可以濯垢汙也事善能者因器而爲方圓也動善時者冬凝春則泮也此七者能其一亦可以爲善人而未若

道藏輯要

道德真經
彭鶴林集注

三

心集六
文〇一上

不爭之爲上不爭故無尤

程大昌曰八十一章其申言不爭之益者凡六曰不自伐故有功不自矜故長夫惟不爭故天下莫能與之爭是其一也欲上人而下之欲先人而後之以其不爭故天下莫能與之爭則其二也天道不爭而善勝三也聖人之道爲而不爭四也戰而不武勝而不與是謂不爭之德五也與此之不爭無尤者凡六也夫其謂爭者非必至於鬪且戰也彼己匹對兩不相下斯爲爭矣天之陰陽至神而無著也然常以冬夏二至而爭蓋已居其地者未退而方來待代者欲前此之謂爭故爭者對起而不退聽之謂也有待乎道者則不然矣